

2. Gahphatna Telcianna: (Khen 1) Suahtakna, Gah, Vangliatna leh Pilna

A. Suahtakna

a) Laisiangtho bulphuhte Jn. 8:36 Gal. 5:1

b) Khazih Zeisu in eite hong khahkhia khinzo hi

Khazih sungah i omma in mawhna, ei le ei leh Satan sungah koltang hihang. Hih koltanna hang in suakta takin Pasion na sem thei lo hihang. Ahizong in tu in Khazih in hong khahkhia khin zo hi. Calvary Singlamteh tung a kingah hih suahtakna cih sim loh in eite in Khazih nungzui thei lo in Pa deihna tangtun thei ngei lo hihang. A lamdang simtham khat bel hih suahtakna pen thu kilehbulh khat tungtawn a kingah ahi hi. Tua pen Pasion na i sep nading pan hong dal a kilehbulh thahatna khempeuh pan hong kikhahkhia in upna tungtawn in ei le ei Khazih tungah i kihencip na hang ahi hi. "Zaisu in Topa hi" cih pulakna i neih ciangin ei le ei Khazih tungah a kihen i hi hi (Rom. 10:9). I kipulakna pen i kihenna hi. Tua hang mah in amau nuntakna kipulakna uh pen Khazih sang in a dang na khat maw mi khat peuh hizaw hi. Hih pulakna pen kampau bek thu hilo in, utna, lungsim phutnate leh gamtatnate hi. I nuntakna ah a lianpen i cihte in phalpeuhpeuh pulak hihang. Gamtatna mawkmawk leh a thupite nangawn Zeisu suahtakna tawh hong kikhien khat sak leh a khial suak hi. I lungsim leh i khate hong uk ding in na khat peuh phalna i piak leh, Khazih Zeisu sunga Pa in hong zawh saksa suahtakna pen hong sutkhia i nuntakna pulakna hong suak ding hi (Rom. 6:16-18). Nungzui hihna thusim pen thumanna hi. Khalam thu manna pen Pasion in hong gen khat eima thatang tawh sep ding a thumanna hi. Khalam thumanna pen Pasion in hong gen khat ei ma thatang tawh sep ding a thumanna hilo a, Pasion khut sungah i nuntakna kipiakna leh Zeisu pen i Topa hihsakna hi zaw hi (Gal. 5:1).

B. GAHPHATNA

a) Laisiangtho bulphuhte Jn. 15:16 Matt. 21:43 Rom. 7:4

b) Eite pen Gah gah ding a hong kiteel khin hi

A kilehbulh hong thuzawhte pan a suahtakna in gahphatna ah hong khahkhia hi (Rom. 7:4). Pasion in eite hong telna ngimna pen ama ading-a a khangsak nuntaknate i hih ding ahi hi. Zeisu in ama nuntakna sungah a lah tawh akibang gahphatnate mah i nuntaknate sungah i lahkhiat theih nading in ama Tapa tawh kizopna sung hong tun hi.

Hih pen Khazih Zeisu sung a i dinna i phawk thei na bang dan leh tua pen in i nisim nuntakna ah bang khatna nei cih i pahtakna hi in, tua bang tawh dikna, itna leh vangliatna gahte gahkhia thei hihang (Jn15:5-8).

I gahphat theihlohna pen a khen tuamtuam nuntakna tawh i nuntak hang ahi hi. Na pawl khatte pen "Khatawh kisai" ci-in ciamteh nuam in, Christian vai khantohna leh picinna lam tawh gawmkhawm zel hihang. Ahizong in tua laitak mah in i tuah khak thu tampite

kisapna theikhia lo leh ukloh khal loh in nusia hihang. Tua bang a i lawh tak pen huntampi mawk beksak in a thupi khol lo nate tawh thatang tampi beisak hihang. Tua bang tawh i nisim nuntakna a khen tuamtuamte ah nungzui hihna ii tona pen phawkkhia thei lo hihang. I nuntakna vai khempeuh ah a gahpha dingin Pasion in hong sam khin hi. Hih pen midangte ading thupha nak bek hilo in: ei le ei ading mahmah in thaman tampi hong ngahsak hi. Gahphatna pan a kingah ding khalam lungkimna pen teh theih sim theih hilo hi.

c) Gah phatna thu nga-te

1. A gahpha kha in Khasiangtho gah langkhiasak hi (Gal. 5:22-23).
2. A gahpha lungsim (Phil. 4:8-9; Rom. 8:5-8; Eph. 4:22-24).
3. Nasepnate ah gahphatna (Col. 1:10; I Pet 3:10).
4. Letsong (gift). ah gahphatna (1Pet. 4:10; Rom. 12:4-6).
5. Kikhohh khopna ah gahphatna (Heb. 10:24-25; Psa. 133).

C. VANGLIATNA

a) **Lasiangtho bulphuhte** Eph. 1:17-23 Eph. 6:10
Acts. 1:8 2Cor. 4:7

b) Pasion vangliatna sung a nuntakna

I suahtakna pen Khazih in eite ading hong ngahsak bek hilo in, Khasiangtho in eite sungah hong ngahsak hi. Pa in thanemna sungah nuntak ding hong deisak hilo a, ama thahatna sunga nuntak ding hong deisak hi. Zeisu sihna pan a thawhsak lai a, a zat vangliatna khempeuh eite ading a kingah theih nading hong bawl hi (Eph. 1:18-20). Tua hi a, eite pen a nungzui i hihna ah ei guak a, kalsuan leh gamta i hi kei a, ama Khasiangtho tungtawn in eite hong kipia sa Pasion vangliatna khempeuh nei hihang (Matt. 28:19-20). Tua khit ciangin nungzui hihna pen nasepna a Pasion vangliatna khat tawh kipulak thei hi. Numei, Pasalte nuntaknate ah, a puatham et in bangmah hilo tawh kibanghang a, tua nuntaknate tungtawn mah in ama ngimnate kiseum in, Pasion invangliatna khauh tawh na sem hi (2Cor. 4:7).

Tua Khasiangtho tawh Pasion in hong piak vangliatna pen Christian-te i hihna tawh i nuntakna khempeuh ah, i kikap ding na khempeuh ading in, kicing pha mahmah hi (2Pet. 1:3).

c) Vangliatna I kispna Thunga-te:

1. I sunglam nuntakna ading Vangliatna

Pasion hong piak i kitangsappte pen i lungtang sung tawng ah ngah in i nuntak pih ding kislam hi. Hih Vangliatna lo tawh Pasion in sianthona ah hong sapna i dawnkik theih nading lampi om lo leh, eite sungah hong pulak nop ama deihna kitangtungsak thei lo hi.

2. Zeisu ading Teci pan nading Vangliatna

Khasiangtho vangliatna hong tendenna lo peuhmah tawh Zeisu nungzuite bangin ama sawlna ah pai in minam khempeuh nungzui suahsak ding pen tangtun zo ngei

c) **Thuciam Lui sung a Pilna langnih (Two Sides)**

1. **Pilna pen nuntakna ading zatpahliaanna hi.**

Hih pen hong kipua dinmun khuahun ah, bang sem ding cih Pasion hong piak theih theihna letsong hi in, nuntakna tomnate leh hun hoih hunphate ah nuntakna pen koici let ding cih ahi hi. Nuntakna pen khat bek nei hanga i khensatna i bawlna leh i nuntakna din mun om ziate tunga i thuk kinknate pen, tua nuntakna in a dimtak leh a gahpha bel sukkhakna a nei hiam cih sawtpi tak va sukha ding hi (Prov. 4:10-12).

2. **Pilna pen mihing in Pasion a telna tawh kizom hi.**

Job leh thuhilhsia laibute in nuntakna khiatna leh a omnate a thuk zaw a, mihing kha in a zonna hong lengkhasak hi. A hizong in Pasion pilna lo tawh tuate khat zong kitel thei lo ding hi. A dawnkikna pan mihing thutheihna ciang bek ah om lo a, Pasion kiang pan letsong ahi hi.

"Topa zahtakna in pilna kipatna hi." (Psa. 111:10)

Job in ama haksatnate netcipna leh apkhapnate a phut mah bangin hih thumaan a mukhia hi. A tawpna ah Pasion in na khempeuh thei hi cih thuman tawh hong kimai ngat-a Pasion in nate a telna ah a kipawl khopnop leh Topa lam ah ama nuntakna a kihei ding kisam hi (Job. 28:12-23).

d) **Thuciamthak sung-a Pilna aih keh Khazih pilna**

Hihte in Thuciam thak sunga kikhen pilna nihte uang gen tawh kibang hi.

1. James in i nuntakna sunga thupiangte leh dinmun om ziate telcian nading i kisapna thu a gen ciangin amasa pen thu pi gen hi. Kha pilna lo in ze-etnate leh haksatnate tawh buaina sungah nungta thei lo hihang. Tua bang hi keileh Pasion in eite i hihna ding bang a hong deihna sungah hih haksatnate, picinna leh khantohna tungtawn a Pasion in a letna thumaan mu thei lo ding hihang (James 1:5).

2. Paul in Corinthians mite kiangah Pasion thumaan thuthukte a tel theihna kha ii a nak thu a gen ciangin anihna pen thupisak hi (1Cor. 2:7). Hih pilna pen ei le ei pilna leh sunglam pan a nakpi kimuthei lo in, Khasiangtho nasep na tungah kingasak kilkel lo leh a kisiangsak lote pen Pasion kilakna tawh kipum lamdan hi. Mihing lungsim pen Pasion thumaanna tawh kileh do ahihman in, Khasiangtho nasepna lo tawh i telcian theih ding pen hi thei vet lo hi. Hih pen a kisuakkiksak lo mihing lungsim pen a kisuakkik sak lo ama pianken tungah sila a suahna hang ahi hi. Mi khat Khasiangtho vangliatna tawh a pianthak ma siah pen Pasion kammal vangliatna nuai ah ama lungsim kivak lo in kithak suak lo hi. Tua ciang bek in kha thumaan sungah mun la in, tel thei bek hi. Mihing pilna in Pasion sungah thukzaw a a lut sangsik in Pasion kiang pan amah pai khiatpih hi (Rom 1:21-23).

e) **Pilna letsong**

Khathu telcianna pen nungzui hihna nuntakna ah nak thupi mahmah hi. Telcianna in Pasion kammal sunglam hong pia a, tua pen i nisim nuntakna ah i zat pah din kisam hi. Khathu telcianna in nate deihna kician taktak ah i nuntaknate ii om zia dinmunte i phawk theihna hong khengsak hi. Tua in, pilna in hong piak kha theihna tungtawn a midangte kisapna taktakte ah hong kihong hi. Hih in Pasion hong kholsaksa a dang Khasiangtho letsongte koici bang leh bang hun a zang ding cih hong lak a, tua hi leh tuate pen gahpha in kiphattuum pih dinga, kisaktheihna leh kisiatna suak lo ding hi.

f) Kha pilna in hong tunpihna Giat

1. Ei le ei kitelna thak

Ei le ei ki phawk theihna kician pen nuntakna sunga khantohna kilekkim na ah kiasam mahmah hi. Hih lo tawh ei le ei kimuh khialhna neihna pan a hong piangkha upmawhnate ah kipia kha hihang. Tua pen eite i hihna nuai maw i hihna tungah maw kimuhna hi. Hih muhna nihte pen i nuntakna leh nasepna sunga khantohna pha ading kisiatna ahi hi. I kiasap pen Pasion hong muh banga ei le ei kimuh na ahi hi (Rom 12:3).

2. Khalam Thumaan telcianna (1Cor. 2:10-12)

Pilna letsong lo tawh Pasion na thukpite kitel thei lo hi. Pasion thu thukte telcianna in Pasion ading i nuntakna sunga vang neihna leh picinna ah kizom tuahna ah hong tunpih hi. Hih pen pial khiat na leh upna huihnung khempeuhte mut kawikawi na pan a kidalna ahi khalam khentel theihna ahi hi.

3. Laisiangtho Telcianna

Pasion kammal tungtawna Laisiangtho thuktak a telcianna lo tawh Pasion in eite neih ding a hong deih thuman sungtawng lam ah khantohna nei ngei lo ding hihang. Eite pen thu hihna tampite leh tuni a nasepna a ngaihsutna tampite lak ah om ihihman in, Laisiangtho tawh i ngaihsut ciangin sittelna om lote ngen ahi hi. Eite in Laisiangtho sung a Pasion in hong piak thuman thutakte pakta thei in i nisim nuntakna sungah zangkhia pah thei ding hihang.

4. Pasion Deihna Telcianna

Pasion ading gakhia in phattuumna a om theih nading in i nuntakna khempeuh Pasion deihna tawh kituah a i nuntak ding kiasam hi. Ama deihna i theih nading in Pa kiangah pilna i nget ding kiasam hi (Col. 1:9; Eph. 5:15-16; James 1:5-9).

5. Khasiangtho letsongte Telcianna

Vangliatna letsongte zatna ah Pilna kiasam hi. Banghang hiam cihleh kikhelna om lo vangliatna in tua a ngahte nuntakna ah kisiat cipna lianpi tun thei hi (1Cor. 14:20).

6. Kha vangliatna Telcian na

Eite in thuman leh zuau thu i khentel thei ding kiasam hi. Pasion in Khasiangtho sung ah kitak sapnate hong piakna tungtawn in hih thu ading hong pia khin zo hi (1Jn. 4:1; 2Cor. 2:11; 12:10). Laisiangtho tawh kinaina leh Pasion mite lamlah thulahna in zong hong huh hi.

7. Eite hong kisapna lam etna Telcian na

Thu-umte i hihna tawh i kalsuanna ah i kiasap thak hauhna i ngah theihnading in upna tawh hih thu i telcian ding kiasam hi. Hih in i nuntakna ading a zaizaw leh a kicing zaw tham in a kiciangtan zah leh khat veivei i nisim nuntakna a i tuah khakna tawh a kilak thu haksate nangawn hong thei thei sak hi.

8. Hunte li lahna limte Telcianna

Zeisu nangawn in amah hong pai kik ding hun thei lo, ahihna gen a hihman in hun leh ni ngakte, hilo ding hihang (Matt. 24:36). Ahizong in i kim i pam ah thupiangte in a tawpna lam manawh in kikhin dandan ahihman in bangmah don lo mengmang a nuntak ding cihna hilo hi. Kim le pam a hunte kikhel dan a phawk thei mite bang a, kinna leh kigin kholhna tawh a nungtate hi ding hihang (1Thess. 5:1-6; Matt. 24:42-44). Khazih Zeisu hong pai kik ding cih thei i hihman in hih thuman sungah i nuntak ding kiasam hi.

g) Dotnate leh Kikupkhopnate

1. I Nisim nuntakna tawh i kipulakna pen i kikhina hi. Kam kum in.
2. Na lungsim leh na kha bang uksakna hiam?
3. Na nuntakna vai khempeuh ah Pasion a ding a na gah pha hiam?
4. Na sepna ah Pasion vangliatna a lakkhia khat na hi hiam? Na hih keileh banghang hilo na hiam?
5. Midang Pasaal numeite ading in Pasion hehpihna luanna zawi na hi hiam?
6. Adiakdiak in Pentecostal-te lak ah Khasiangtho letsong pen banghang in thupi mahmah hiam?
7. Banghang in pilna kihel lo Khasiangtho letsongte lauhuai hiam?
8. Topa Zahtakna pen Pilna kipatna takpi mah hiam?

h) Tomlakna leh Zatpahna

1. Khazih Zeisu in thu-umte i hihna tawh hong suaktasak khin zo hi. Ahizong in Khazih tungah ei le ei i kihencip bek leh, hih suahtakna pen zang thei pan ding hihang.
2. Pasion in ama ading gah a gah dingin nungzuite in eite hong teel hi.
3. A Khasiangtho tungtawn in hong kipia a nungta Pasion vangliatna khempeuh i nei hi.
4. Topa i theih ciangin pilna i ngah hi. Amah pen pilna leh telcian na khempeuhte nak hi a, Khasiangtho tungtawn in ama pilna eite sungah hong thun nuam hi.
5. Pilna pen khalam picinna dingin kisam a, thuman tak leh muibun tak a, Pasion na i sep theih nading in zong hih in hong hi theisak hi.